



13. januar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Taiwanimut tikeraarnissaq qatanginnartoq pillugu:

1. Sunamita pissutaava Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisup Taiwanimut angalanissaq pilersaarutaareersoq taamaatiinnarmagu, tassani peqataasussaagaluarpoq inuussutissarsiutinik siuarsaaniarnermut Greenland Day?

2. Iuumik paasinerpara oqartoqarmat kiniserit nunanut allanut ministereqarfiata Danmark Kalaallit Nunaallu tatigisimagai angalanissaq unitsinniarlugu aamma Naalakkersuisut tamatumunnga qanoq isumaqarpat?

3. Angalanissaq taamaatiinnarnissaanut aalajangerneq sumi piva Kalaallit Nunaanni imaluunniit Danmarkimi? Tassunga atatillugu Naalakkersuisut qinnuigineqarput nassuiaqqulugu Kinamit Danmarkimiillu pisortatigoortumik saaffiginnissummik tigusaqartoqarsimanersoq pilersaarutaareersoq tikeraarnissaq pillugu ilanngullugu nassuiaqquneqarpoq saaffiginnissutit angalanerup unitsiinnarneranut aalajangeeqataasimanersut?

4. Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisup Greenland Dayimi Taiwanimi ingerlanneqartussami peqataanissaa kiap aallaqqaammut akisussaaffigaa aamma kiap akisussaaffigaa peqataanissaata unitsiinnarneqarnera?

(Inatsisartunut ilaasortaq Justus Hansen, Demokraatit)

Tunngavilersuut:

Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisoq naluneqanngitsutut nunatsinnut pissutsinut nunat allat sualummillu danskit akulerukkaangata nuannarineq ajorpaa. Tamatta eqqaamalluarunarparput siorasaarimmat USA Pituffimmiik anisinniarlugu aamma kamalluni oqarnera danskit makitaniarnerarlugit.

Maannakkullu paasinarsivoq Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisoq pilersaaruteqarsimagaluartoq inuussutissasiutinik siuarsaanissamut Greenland Dayimut ulloq 1. novembari Taipei-imi Taiwanimi peqataanissaa. Inuussutissarsiornermut, Suliffeqarnermut, Niuernermet, Nukissiuuteqarnermut



Nunanullu allanut Naalackersuisoq tassani tikilluaqqusilluni ilaatigut oqaaseqartussaasimagaluarpoq.

Taamali pisoqanngilaq. Pissutsit maannamut ilisimangisagut pissutigalugit Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalackersuisup inuussutissarsiutinut siuarsaanissamut peqataanissani unitsiinnarpaa.

Demokraatini soqutigilluinnarparput aalajangerup tunuliaqutai paasisaqarfiginerussallugit taamaattumik aamma qilanaarpugut qulaaniittut apeqqutitta akineqarnissaannut.

Apeqqutit akeqquakka ullut suliffiit naliginnaasut qulit iluanni.